

三才彙編卷三目錄

舉士考

舉士總論

辟舉論

賢良方正考

賢舉論

孝廉考

孝廉論

任子童科方伎合考

任子童科論

吏道賞納合考

吏道賞納合論

武舉考

武舉論

國學考

國學論

郡邑學論

崇祀論

三才彙編卷三目錄終

三才彙編卷三

同學顧程六輝六增著

嘉善龔在升聞園纂輯

鑑章達夫
曹鑑平掌公同校
鑑倫囊士

舉士

漢求賢詔

高祖詔令郡守身爲勸駕。詣相國府。署行義及年有而勿言者。覺免。元光徵吏民有明當世之務。習先聖之術者。縣次續食。令與計偕。昭帝詔舉文學高第。宣帝詔遣大中大夫。循行天下。舉茂才異等。平帝詔天下。通治逸經古記。遣詣京。數千人。東漢光武詔歲舉茂才。章帝詔郡國上明經。安帝詔舉有道之士。又舉習陰陽災異璇璣者。

漢初郡守身爲勸駕

續食計偕

宣帝始循行天下

舉茂才

光武始歲一舉安帝舉有道

博士弟子

元朔詔郡國縣官有好文學。敬長上。肅政教。順鄉里。令二千石謹察可者。令與計偕。太常得受業為弟子。漢制舉士大槩有三。賢良方正也。孝廉也。博士弟子也。餘詳銓選中。

東漢左雄限年

初郡國守相未滿歲不得察舉。孝廉。章帝時徵舉不復簡試。士或矯飾。詔下朝議。韋彪請勿用。闕閱。選良二千石。至左雄改察舉之法。限年四十以上。儒者試經學。文吏試章奏。得人為盛。如李固周舉之謀。謨左雄黃瓊之政事。員焉。楊厚之儒學。崔瑗馬融之文章。吳祐蘇章种樂之良牧。龐參虞詡之將帥。張綱杜喬之直道。郎顛陰陽。張衡機術。至桓帝時。陳蕃陽秉之賢宰。皇甫張段之名將。王暢李膺之補袞。朱穆劉陶之獻替。郭泰陳寔之獎鑒。得人莫盛焉。

九品官人

受業太常

舉士凡三

韋彪請勿用

闕閱

儒者試經學
文吏試章奏

漢得人最盛

天小中正

吏部以九品官

人

陳群之法至隋

始罷

晉武特舉孝廉

孝秀延五歲講

習

州秀才郡孝廉

元嘉限年三十
而仕

州縣置大小中正。取本處仕宦德充才盛者爲之。區別人物。爲九等。或升或降。吏部因以官人自南朝及隋開皇始罷。其源實起於魏之陳群也。

不試署官

九品外。有公府辟召。有郡國薦舉。有曹掾積累。有世胄承襲。武帝特詔舉秀異。至元帝渡江。以喪亂。憫勉遠方。舉秀異者不策試。卽署官。及後粗定。詔試經不中。罪及所舉。孝秀莫敢應命。太興孔坦議延五歲。許其講習。乃至。

宋親臨策試

丹陽吳會。會稽吳郡。歲舉二人。餘郡一人。州秀才。郡孝廉。皆策試。天子親臨。并及公卿所舉者。皆屬吏部。序才銓用。此舉之得失。各有賞罰。元嘉中。限年三十而仕。齊因之。

齊策格五問

五問並得爲上
鄉舉里選專用
甲族

梁制無復膏粱
策士亦稱

後魏李秀章對

飲墨水脫容刀

周孔不得爲秀
牙

梁州重郡崇鄉豪

駱宰議策秀才格。五問並得爲上。四三爲中。二爲下。一不與第。鄉舉里選。專以曹籍。甲族二十登仕。寒門以三十試。吏有增年。飾貌。夤援。造請者。和帝時。梁武爲相。上表論之。

初無中正。凡九流常選。年未三十。不通一經者。不得仕。後州置州重郡。置郡崇鄉置鄉豪。各一人。專典搜薦。無復膏粱寒素。刻鵠敬帝復中正。凡選舉皆中正押上。方得授官。陳如梁制。

後魏中書策秀才集書策貢士考功郎策廉良。天子坐朝堂中。楹李秀各以班草對。字有脫誤者。呼起立席。後書有濫劣者。飲墨水一升。文埋孟浪者。奪席脫容刀。

隋始置進士科

初開皇制。諸州歲貢三人。工商不得入仕。杜正元舉秀才。試策高第。海內一人。常貢皆隨例。銓注。素怒曰。周孔更生。

杜正元一門三秀才

進士始於隋

生徒鄉貢制舉待非常

秀才科最高

七多以進士明經試用

進士百舉一二明經十舉一二

樹名考策

高宗加老子義

劉思立加辨文

天后詔範
易場為林試版章

尚不得爲秀才。何舉之。乃使擬上林賦。聖主得賢臣。然銘劍閣銘。至未時並了。素大驚。弟正藏正倫並舉。曰一門三秀才。至煬帝始置進士科。專以文辭試士。士皆投牒自進。

唐三科十九目

由學館者曰生徒。由州縣者曰鄉貢。皆升於有司。而進退之。天子自詔曰制舉。以待非常之才。其目有秀才。明經。進士。俊士。明法。明字。明筭。一史。三史。開元禮。道舉。童子。明經。有五經。三經。二經。學究。一經。三禮。三傳。史科之別。試以方畧。時務策。帖經。口義。墨義。凡分爲四等。上上。上中。上下。中上。以多少優劣爲定。貢舉非人。校試不以實者。皆罰。而秀才最高。不能嘗舉。上所趨向。惟進士。明經。二科。明經有甲乙丙丁四科。進士惟甲乙科。進士百舉。一二。明經十舉。一二。其制詔舉人無常科。天子親觀殿廷。試已糊名。考其策高者。授以美官。次與出身。高宗加試以老子。又以劉思立言。加雜文二篇。天后製臣範兩卷。令習業。中宗停之。楊瑒言帖經務述作大旨。不專以孤章絕句。天寶命通一經。皆

絕句
李林甫恐詆訕
絕人及第
文宗從內出題

王涯令以試文
送政府

李德裕減額

昭帝九老榜
本探誤經史韻

本
段文昌奏重試

唐初有上書轉

官
宋徽後終無秀
才

殿試始於武后

賈至請兩都試

開元講學

下第入監始此

諸京師。李林甫恐其譏訕，令郡縣加試。送省無一人及第。德宗限明經不過百人，進士不過二十人。趙贊以箴論表代詩賦，文宗復舊，從內出題。鄭覃請罷進士，不從。王涯以禮部先以榜示中書，不公。自今一委有司，以所試文送中書門下。武宗定舉格，節文數減於舊。時相李德裕惡進士浮薄也，昭帝乎內難，放榜其喜，令久有名場。年齒已高者，不拘常例授官。時稱五老榜。肅宗時李揆試上，設經史韻木於床，令十尋討。穆宗時段文昌托所善不納，奏錢徽主試不公，令重試。駁盧公亮十人，貶徽。唐初有上書轉官，秀才自永徽後終無舉者。高宗儀鳳調露，停貢舉。代宗寶應又
一
停

洛陽殿試

天授元年，策貢士於洛陽。殿前試人自此始。代宗時賈至言歲艱，舉人赴省，兩都試之。兩試自此始。初明經進士見訖，闕子監謁先師，學官開議問義，有司具食五品以上，闕禮焉。又令不第者聽入學。時李昂為舉人，試訶主試乃

禮部侍郎主試

不親試爲拔解

莊宗特拔桑維翰

其定貢舉新

其定貢舉新

其定貢舉新

改員外。以侍郎主試。侍郎親移試考功。謂之別頭。

後梁詔止拔解

開平初。勅近年舉人。當秋薦之時。不親試者。號爲拔解。今宜止絕。每年明經及第。不過二十人。

後唐同光覆試

莊宗令翰林覆試。升王徽。桑維翰。居魁亞。降符蒙正。第四。今後令中書門下詳覆。又令諸州分明比試。不許妄給文解。明宗令落第者。次年便赴貢舉。免取文解。長興定新條。禮部奏。經貼分明。去取精當。舉人抱屈。許陳訴。禁挾書策。造口授人。迴換坐處。禁義業未精。妄自聲屈。又貢人至元日。列在方物之前。以備充庭之禮。

後周親勅去留

顯德二年。勅舉人李覃。趙隣。幾四人。宜及第。黜落十二人。主試劉溫叟免罪。將來貢舉。具條理聞奏。竇儀奏。進士分

進士分五等

宋得人亦進士
爲感

見任官應試曰
鏢廳

越國昌應百篇
舉

真宗定貢舉以
專學問

蔡公薦私忌

宋進士諸科

五等定發解試監官罪五年劉濤以及第
十五人赴行在命李昉覆試又退七人

禮部貢舉設進士九經五經開元禮三史三禮三傳學究
明法諸科秋取解冬集禮部春考試合格者放榜於尚書
省試法詩賦文策貼經逐場去取凡見任官應進士舉曰
鏢廳所屬官司先以名聞得旨而後解舉人下第免將來
取解開寶三年詔十五舉以上終場者並賜本科出身太
宗時有趙國昌求應百篇舉上親試日盱僅數十首無可
觀以此科久廢特賜及第真宗詔貢舉之門躁競繆濫令
權住二年以專學問又詔秋試只解舊人新人且令習業
太祖禁近臣公薦及拜知舉官與師生私恩仁宗李淑請
策論詩賦墨義四場通考上拙慶曆更改試法下廷臣議
歐陽修請先策論次詩賦逐場黜退富弼請罷殿試皆不果

開寶殿試

陶淵以純政子
上第特令覆試

召對後放榜

合下第人重試
遂爲殿試之始

宋殿試以詩賦
後加一論

太宗惜科第

太宗分三甲

考官親戚迴避

太宗抑勢家

以有遺才復試

真宗惜名取李

迪

王矩以自薦驛

殿試絕黜落始

於嘉祐

歐陽正文體

簡

糊名始於蘇易

簡

簡

糊名謄錄

先是陶穀子邴上第覆試中書五年進士諸科召對講武殿始下制放榜六年李昉知貢舉上以進士武濟川材質最陋不悅會有訴昉者乃合下第人賜紙札試詩賦於講武殿御史李瑩等爲考官得進士二十六人諸科百人遂爲制太宗內出題韻得呂蒙正等皆優等注擬薛居正言取太多用太驟不聽三年加論一首五年劉昌言四人見任官舉進士上惜科第不與八年始分三甲一甲並知縣雍熙二年令考官親戚別試李昉蒙正子皆入等上以勢家不宜與寒士爭進罷之左右言有遺才復試得洪湛等三百餘人真宗時李迪與賈邊俱有名場屋不第因迪賦落韻邊論當仁不讓於師以師爲衆上特取御試王旦取迪去邊又知鄭州王矩自薦求第上驛召赴聞喜宴又詔間歲一貢以四年太滯也英宗改三歲一貢嘉祐二年進士殿試者始免黜落歐陽修正文體

淳化二年舉人萬七千蘇易簡始令糊名考校內出扈言日出賦不能措詞相率叩殿檻上請有錢易日未中三題

試歲賜進士
之史出題印給

化停貢舉

景德別命官檢

詳禮部試

甲科非人望自
彭年始
曆錄始於祥符

熙寧罷諸科各
占治一經

殿試用策始此

宗子任子試
免進一謝報銀

安石頒三經新
義及字說

徽宗三舍法用
人

賦頌得第

皆就。以輕俊黜之。得孫何三百人。諸科八百人。賜御詩箴。刻儒行篇。進士例賜詩。至陳堯叟易箴。至是俱賜。景祐詔。題具經史所出。募印給之。不許上請。真宗咸平止五十人。以停舉數科也。三年陳堯叟遂四百人。景德五年。令禮部試糊名考校。別命官檢詳。晁迥知舉。滕元晏封卷。陳彭年設關防。嚴請託。然甲科非人望。自彭年始也。祥符八年。置臚錄院。仁宗景祐四年。詔開封府國子監。及諸路別頭試。並封彌臚錄。如禮部試。

貢舉新法

熙寧罷進士明經諸科。各占治一經。兼語孟。每試四場。中書撰式。頒行。須通經有文彩。不但如墨義粗解章句。殿試外。四甲止。用策問。仍有黜落。十年立宗子試。任子試。進士賜錢三千緡。免舊例謝恩銀百兩。頒安石詩書周禮三經新義及字說。哲宗元祐。又改試法。至徽宗三舍法。由學校升貢。諸試俱停。宣和又罷。惟太學行之。州郡發解如舊。賜第至八百人。大觀。梁師成考甲科。嘉王楷第一。上書獻頌。及推薦。皆賜第。若張炳。陳東。尹焞。以忠讜行義得賜也。靖

復春秋科

康後始復
置春秋科。

兩科試士

熙寧罷詩賦專經義。凡十五年。元祐復並用。紹聖復如熙寧。凡三十五年。至是建炎。又兼用先經義。次詩賦。末子史時務策。十五年分爲兩科。學者競爲詞賦。經學遂衰。紹興立同文館試。去本貫千里。附國子監。蜀士赴殿試不及。並賜出身。又特展期待之。後以請託多。降勅差官主之。是時詞章雅正。號乾淳體。寧宗禁道學。有司言六經題目。各於本經。摘出兩段。文意相類者。合爲一題。以觀其學。從之。孝宗欲令文士能射御。武臣知詩書。引進士射藝。欄笏入殿。易戎服。給弓矢。分射定上中下。至賈似道定士籍。以檢察士人。

先左右榜

世祖定天下。王鶚獻計。許衡立法。事未果行。至仁宗始行鄉會御試例。延祐二年。用趙孟頫元明善所議貢試之法。

經義詞賦分兩科
附文館試

雅正號乾淳體

寧宗禁道學

孝宗令進士較射

賈似道定士籍

趙孟頫元明善
定貢試法

狀元與仁宗同日生

下第舉人充學正山長

洪武三年開科

察舉賢才以德行為本定文字格式

出題不許摘裂

儼外官不預去

取

世宗以京官典

試

楊士奇尤南北

取士法

明科舉成式

分爲左右榜。蒙古色目爲右。漢人南人爲左。先是至元文昌星明。世祖方幸上都。生仁宗。同日張起巖亦生。上卽位。開科。起巖第一。順帝罷科舉。許有壬力諫。伯顏不從。元統復行。定制百名。下第舉人充學正山長。

洪武三年。詔開科舉。使中外文臣。皆由此選。鄉試額浙四。十人。中式。以騎射書算律五事試之。四年。詔連試三年。六年。停科。令察舉賢才。必以德行為本。文藝次之。十七年。頒行科舉成式。諸事皆有定例。二十四年。定文字格式。凡出題。或經或史。所問含蓄不顯。使答者自詳。問意以觀才識。仁宗浙江增五名。英宗又增十五名。令考官不得用致仕。養病。出題不許摘裂。牽綴。文務淳實。典雅。憲宗定在京科。舉事宜。孝宗定科舉條件。禁儼外官。不得干與。去取。世宗以張璉言。點差京官典試。十七年。以策問譏訕。逮繫試官。餘官卽訊。會試自洪熙元年。詔額百人。南卷取六。北卷取四。以楊士奇言也。後又南北各退五卷爲中。殿試三月朔。日。後改望日。讀卷官內閣九卿。上御奉天。親臨填榜。華蓋。

張樂設案。諸舉人國子監領巾服。行禮。傳臚殿堦。明日賜宴。立石題名。國學洪武三十年。北人多落。訴劉三吾不公。上乃復試。下第人取韓克忠。先取陳郊。有春榜夏榜之名。中書鄉試。始於憲宗之呂憲。特賜進士。永樂中孔誥。欽賜舉人。景帝之陳瑛。王倫也。

舉士

按先儒丘濬曰。三代盛時。仕進有二道。一曰鄉學。一曰國學。鄉學則掌於鄉大夫。而用之在大司徒。國學則掌於大樂正。而用之在大司馬。鄉曰選士。升於國曰造士。大司馬所辨論曰進士。此三物。賓興之典也。鄉學者。卽鄉舉里選之意。國學者。卽貢舉之意。漢制舉士。大槩有三。賢良。孝廉。舉以任用。卽科目之意。博士弟子。入補國學。卽歲貢之意。其制不同。而大略則相類也。至晉魏九品。法斯濫矣。進士科始於隋。至今不易。而所試之法。代各不同。蓋舉士無不敝之法。而立法有必得之士。一代之法。卽

一代之人才所聚。上以供君相之用。下以開風化之原。固有殊途而同歸。國家懸格以待士。原不必是古而非今。亦不必此爲疎而彼爲密也。格之所在。必能鍾天地之菁華。竭人生之才力。合而應當代之所期。古來名臣碩輔。曷嘗有借才之慮乎。至有良而楛亦雜之。良一而楛且十之。則十六族之並生。已見於唐虞之世矣。然則奈何。曰用才者。格也。操格以進退天下之才者。人也。昔蘇公之議曰。君相有知人之明。朝廷有責實之政。則胥皂未嘗無人。舉德行而略文章。專策論而罷詩賦。採譽望而廢彌封。去帖經而考大義。皆知其一。不知其二也。然則操格者得

其人皆可致天下之才。操格者非其人，皆可失天下之才。歷代以來，皆有一成之法也。盛未嘗無英賢之聚，衰未嘗無奸偽之群。其由來果何謂乎？兩漢去古未遙，先行後文，由鄉達國，固爲三代之遺。其如氣運升降，不能復見於後世。中正之設，所以變鄉舉里選之窮，而鄉舉里選反因之不可復者，此爾。蓋自科目一行，則置行而言文者一定之勢。范文正曰：教不本於學校，士不察於鄉里，不能以覈名實。有司束以聲病，學者專於誦記，不足以盡人才。舉士以行，今固不能，而端學校以正士風，則考行之本矣。聲病之敝，在所當變。王安石固無足取其曰：士子少壯。

閉門學詩賦。及其入官。世事皆所不曉。宜盡除去。專意經術。其言亦未嘗盡非。獨是經義之設。以敦實學。而士仍冒虛文。以蒙上之鑒。六經孔孟。士之專其家者。卽能守其旨乎。關閩濂洛。士之工其說者。卽能會其本乎。上以是求。下以是應。乎負實學者。未必升。而所升者。豈無爲弊之所叢乎。是經義猶詩賦也。且策論者。明體適用之大。而言之卽能行之乎。是策論猶經義也。舉士固無不敝之法也。雖然。舉士固無不敝之法。而立法自有必得之士。唐宋之名臣。多得之進士。明經有明三百年之勳名節。義文學謀謨。皆在科目中。故曰用才者格也。操格以進退天下。

之才者人也。格以鎔乎才而無遁於不一之才。才以範乎格而無違於至一之格。置行而言文者一定之勢。辨文卽所以嚴行者亦一定之理也。如胡瑗者以爲師儒則學校端。如歐陽脩者以主文柄則體裁正。如裴行儉者以衡品則國收實用。如山如狄如呂者以銓選則下乏滯才。曰公明曰慎密其法又未可以更僕數也。然天之生才因乎運數之污隆。人之負才因乎時遇之通塞。才之生不生士之用不用各有命焉。君相并不得主之矣。

三才彙編

卷三

一

辟舉

按三代之制。列國三卿。大國一卿。命於其君。小國二卿。命於其君。一命以下。國君專之。漢初王侯國官屬。皆如漢朝。惟丞相命於天子。餘皆自置。及景帝懲吳楚之亂。殺其制度。武帝又詔王侯吏秩二千石者。不得擅補。其州郡佐吏。自別駕長史以下。皆刺史太守自辟。歷代因而不改。此辟舉之所自始也。其後曹掾多取州部官屬。賢士之有才能操守者。閭里之姦邪黔庶之休戚。土俗民情。既可悉知。而治狀循良。實資其助。西京則然矣。至東漢公卿。猶以辟士相高。卓茂辟爲丞相府史。蔡邕辟於司徒。

橋至府周舉辟於司徒李邵府五府俱辟如黃瓊四府並命如
陳紀上每以能致賢才爲高而士以得所依乘爲重然名節隆
而譽望顯遂獲高第登公卿矣及漢季倣擾而田疇者劉虞之
從事也君臣之義昭然又非辟舉之得賢與降及隋文大小之
官悉歸吏部纖介之績皆屬考功士之才智可效一官者苟非
宿登仕版則雖見知於方鎮岳牧亦不能稍振拔以收其用唐
代亦時有之而其法不一有旣爲朝官而被辟者若張建封之
辟許孟容李德裕之辟鄭畋白敏中之辟王鐸是也有登第未
入仕而辟者若董晉之辟韓愈是也有強起隱逸之士者若烏

重胤之於石洪溫造。張搏之於陸龜蒙是也。有特招智略之士者。若裴度之於栢耆。杜燭之於辛讜是也。隱逸智略多起白衣。若肅代而後。又多藩鎮之私人矣。宋初有掌書記。然仍拘於資格。熙寧變法。凡內外所稱管幹公事。掌機宜文字。並許自辟。建炎兵興。布衣入幕。謬稱才武。後俱改正。蓋俱非兩漢之遺意矣。明興辟召。最爲重典。如劉宋陶許諸人。或叅帷幄。或定典常。皆布衣交也。然亦天子自辟之耳。至後定制。如隋未有不由銓部而膺半綸者。仕路雖清。儲才稍窄。破拘攣以得度外之賢。實可收俊傑以補王官之缺。而士之見遺於科目者。亦未嘗不自効。

於幕府取人之道所以廣也。然拘牽難變亦久矣。

賢良方正

漢詔舉親策

文帝詔王公執政。及郡國舉賢良方正。能直言極諫者。上親策之。晁錯爲第一。武帝三策仲舒。元光策公孫弘。韓固以老罷歸。時上書自衛者千數。多不足采。丞相綰奏。治申商韓蘇之言。皆罷。昭帝問民疾苦。罷鹽鐵榷酤。宣帝以地震。詔舉西漢著者。晁董公孫杜欽嚴助。朱雲王吉貢禹魏相。蓋寬饒。孔光谷永。杜鄴何武黃霸朱邑。世祖亦以災異特舉。其著者。魯丕申屠剛。蘇章爰延。李法崔駰。周燮。劉瑜。荀淑皇甫規。張奐。劉淑。劉焉等。

晁錯首舉賢良

仲舒天人三策

罷申商韓蘇之言

昭帝問民疾苦

災異詔舉始宣

帝

兩漢名臣最聚

晉武再策阮种

晉東堂策問

晉武詔公卿郡國舉上摯虞夏侯湛等十七人。會東堂策問。虞爲太子舍人。又阮种卻詵對策上第。或毀之。再策仍授中書郎。

唐親策制舉

考策於含元殿

揚於陵以抑牛

僧孺坐貶

馮宿斥劉蕡李

卻抗表

唐之科名最多

天子自詔以待非常，糊名考策於含元殿。天寶御勤政樓，其詞藻宏麗，科加詩賦。憲宗楊於陵主考，牛僧孺、皇甫湜條對切直，抑為三等。於陵坐貶，文宗劉蕡切直，馮宿不敢上聞，李卻抗表讓官不報。其著者：蘇瓌、崔融、盧從愿、張九齡、韓休、顏真卿、楊綰、李益、姜公輔、呂元膺、柳公綽、王播、裴度、裴均、崔羣、元稹、白居易，其科名最多。

宋制舉三科

宋制舉及黃本

草澤

試策二千言

中書先試

先上藝業於有

司

富弼不習詩賦

因政策論

蘇軾論

下三等取人

有賢良方正，能直言極諫，經學優深，可為師法，詳開吏理，達於教化，三科內外職官，前資見任，黃衣草澤，並得解送。御試策三千言，景德增諸科名，中書先試，天子臨軒，仁宗令先上藝業於有司，乃試秘閣中格。天子策之，富弼中茂才異等，召試館職，以不習詩賦求免，特改策論，遂為故事。至蘇軾又去策，止三論，舊分五等，上二等皆虛，以下三等取人。然中者亦皆四等，惟吳正肅公及軾兄弟三等，而轍為胡武平所降，徽宗不過三人。高宗先具詞業五十篇，優

李應以眉山布衣召試

三洪先後舉宏詞

程文海訪人才

劉因蕭燾等不就

吳澄許衡等出爲名臣

明初重保舉

聘四先生

詹同等不賢
實生卒素太學
不稱舉上

元訪求隱逸

者試秘閣七年以災異舉胡銓劉度季宗汪應辰薦眉山布衣李廩上稱其文召試賜出身後復舉其弟塾近習姤之皆罷紹興又有博學宏詞科凡十二題於內雜出六題分二場宰輔皆出焉洪遵兄弟居之

世祖詔求山林隱逸遣程文海訪江南遺才徵劉因不就成宗以安車徵蕭燾不就英宗徵趙居信吳澄俱學士順帝徵脫因伯顏張瑄杜本本不至致書宰相又召彭炳及鄭玉俱不至外如許衡李治趙孟頫徐琰趙宏偉袁桷俱出爲名臣

明罷科舉專辟薦

明初重保舉遣使聘宋濂劉基章溢葉琛稱先生元年遣詹同魏觀等分行天下訪求賢才六年專用薦辟其日有經明行修懷才抱德賢良方正孝廉人才鄉舉於朝而各省貢士卒業太學以次除用時法甚嚴上親校閱不稱旨

大慶為郭博

詔徵博學老成

之

經明行修者三

丁七百人

詔舉秀才

薦辟名臣

徵楊士奇修史

唐愚十輩文學

布衣陳濟為總

裁

聘吳與弼

陳真辰上書不

報

徵陳猷章吳宏

七

輒坐舉主。七年御武樓訪人才。濂薦郭博。九年御奉天門
 咨訪濂曰。取士莫善於選舉。用人莫善乎器使。命官莫善
 乎久任。上然之。十二年詔徵博學老成之士。十五年吏部
 以經明行修之士鄭韜等三千七百餘人見。悉用之。十七
 年詔舉秀才人才。必由鄉舉里選。三十五年詔訪山林隱
 逸。其薦辟最著者。吳沉宋訥。陶凱陳洽。陳山俞綸。張昺魏
 澤。胡閏。賈稼。呂震曾泰。陳迪。暴昭。劉三吾。方孝孺。嚴震直。
 詹同。馮堅。儀智等。建文徵楊士奇。修實錄。以優通文學。舉
 唐愚。十。永樂勅內外文職各舉所知。徵布衣陳濟。為高廟
 實錄總裁。英宗詔舉到儒士。送翰林加考試。不中為民。如
 永樂例。又詔處上有學貫天人才。堪經濟。有司具聞。遣使
 聘吳與弼。至京辭歸。時漳州布衣陳真辰詣闕。上程朱正
 學纂要。不報。憲宗以巡撫薦。擢陳獻章。辭歸。徵吳居仁。孝
 宗徵潘辰。世宗徵文徵明。葉幼學。然授官待詔而已。穆宗
 薦授趙蒙吉。張
 宏道等學正。

四輔官

徵者儒爲大學
士
四輔官位
陳邁始終優禮

洪武中徵耆儒鮑恂余詮張長年全思誠入見賜坐顧問
命爲文華殿大學士以老辭歸又徵王本杜敷趙民望吳
源爲春夏秋冬四輔官兼太子賓客位尚書上未幾罷又
有秀才稅戶義門儒士等薦召而始終優禮惟鎮江陳邁
一人。

三才彙編

卷三

五

賢良方正

按西漢以還取士之途不一。惟賢良一科必由策問。蓋所以待非常之才。不得不爲此非常之舉。以崇耳目聳觀聽也。漢武之於仲舒。晉武之於阮种。一策再策。虛懷下詢。可爲度越前代。唐則天子自詔。宋則五等十科。其立法之意亦綦鄭重矣。故其言也。必陳王道而絀霸術。戒近功而務久遠。指切朝廷而直抒忠讜。雖或迂濶事情。激揚時變。而不失正大卓然可觀。以之待士禮也。以之致主忠也。然轅固以老見棄。莊助以容悅蒙收。天人策未嘗用。而公孫之迂緩無忤。位居宰相。何所舉之不一耶。

唐宋以來專取科貢而賢良則多設科名繁稱無當又率以隱僻之學條問之由省試而閣試由閣試而對策故立之法以困士子非詢賢資治意矣下復爲搜奇抉隱之學自相銜鬻且以爲制科難於進士而制科又高於進士晁董之名旦夕可以躡取又豈懷才抱道不求聞達意耶至明初專重薦辟又鄉舉里選與賢良方正之所合也開國謀謨立法制度之臣皆出是途得人之盛庶幾西漢然不能久行後若吳陳之聘虛文而已賢良之難再行也使西漢之治豈絕千古亦其時爲之乎抑天下之大不復有修先王之道蘊經世之猷以應之也

孝廉

漢元光初舉

帝賜帛賜粟

武帝以仲舒策

舉孝廉

光武始以孝廉

為郎

試孝廉自左雄始

至孝篤行

文帝差者賜帛。廉者賜粟。武帝以仲舒策。令郡國各舉一人。宣平常歲行之。其著者。路溫舒。龔勝。鮑宣。京房。趙廣漢。張敞。尹翁歸。王尊。蕭望之。薛宣。朱博。王嘉。東漢郡口二十萬。舉一人。光武始以孝廉為尚書郎。罷令史。自後公卿察舉。左雄令。年未四十。不得察舉。有茂才異等。自可不拘。胡廣等駁之。不從。先試公府。後覆端門。多以章句奏案為恨。黃瓊又增孝弟。及能從政者。為四科。後又有至孝篤行。其著者。韋彪。賈琮。鄭弘。桓典。第五倫。鍾離意。朱穆。徐防。胡廣。袁安。霍諝。橋玄。張綱。蓋勳。李固。杜喬。陳蕃。李膺。范滂。賈彪。阜甫。嵩。朱雋等。

魏三府試經

初令郡國十萬戶。舉一人。其秀異不限。三府議以德行。不必試經。華歆以為廢學業。不可從之。魏舒上計椽。課習百

魏舒課習百戶升第

日對策
升第

唐貞觀引對

李廉不能對策
楊瑄今試新策

十八年引李廉賜坐於御前。問以皇王政術。太子問以孝經。不能對。皆罷之。代宗時楊瑄條奏李廉令精通一經試策。三道通者注官。後建中俱罷之。

宋開寶召問

李昉試問無可採

老廉言習武

舉真德秀

太祖令民有孝弟力田奇才異行送闕下。九年令李昉試問所舉七百餘人所業皆無可採。濮州二百餘人召問講武。殿不如詔言能習武又不能騎射。上曰可隸兵籍。皆求免乃罷去。南宋理宗時衛涇應詔舉真德秀。

明布衣孝行

孝人為布衣尚書

洪武中布衣李德成舉孝子為布政。東陽李希明至尚書。浦江鄭沂至尚書。張信至少卿。永樂中總旗張法保封股。

療祖母。旌擢武寧張仲賢同例官。
署丞。徐州權謹。洪熙初拜學士。

三才圖會

卷三

七

孝廉

按漢以賢良一科與孝廉並行。賢良首重對策。而孝廉則徵實行。初非以文詞藝能之末也。左雄請諸生課家法。文吏課牋奏。且令孝廉年不滿四十者不得察舉。孝廉試文從此始矣。雖本學古入官之意。而後世但循其末已失其本。則孝廉科謂不壞於左雄不可也。夫既舍其實行而責以文詞。唐宋以來明經進士途目既多。何必別設孝廉一科。縱世主或慕其名而所舉者至不能對孝經。言所習本末俱乖。名實盡喪。適爲談笑資耳。以宋祖唐宗不能考古推崇實行之法。而循其末流不稱而罷使。

兩漢得人之效不能復見得無遺憾與夫使今日復舉孝廉則
偽飾應詔者誠多然三代以下惟恐不好名有云以孝取人則
勇者割股怯者廬墓以廉取人則弊車羸馬惡衣菲食其心誠
好名也不庸愈於不孝不廉者乎使民知所尚靡然向風雖於
朝廷得人之實不能盡效而於風俗敦本之地不無振興焉明
初之布衣孝行仕至卿貳或其遺意與至稱舉人曰孝廉古制
浸失美稱共托久而漸忘曷足怪云

任子

漢任子爲郎

八九歲關公卿
或論
光祿勳課第任
了
蘇及之大節
劉馬之學行
大枋之功業

宦官任子

齊郎爲文
千牛爲武資

二十石以上滿三歲得任同產若子一人爲郎有八九歲
備宿衛者與聞朝議執戟殿陛隸光祿勳郎將以兵法部
屬之淳厚有行者光祿勳課第之時上書疏或爲縣令守
相哀帝除任子之令其著者父任則蘇武劉向蕭育汲黯
史丹馮野王伏湛辛慶忌杜延年兄任則霍去病任光楊
忠任暉宗族任則侯霸族任致仕任則龔勝邴漢東漢則
桓郁桓焉耿秉馬廖黃瓊宋均袁敞臧
洪何休延熹中宦官任子布滿於州縣

唐昭品用蔭

一品至五品皆有蔭禮部簡試太廟齋郎郊社齋郎文資
也兵部簡試千牛備身太子千牛武資也後唐和凝定歲
以三十人爲限千
牛十二員爲限

宋推恩奏薦

本初歷兩任方
太宗時始分節
國與存御審官
院引對
熙寧考試除補
張俊任子文資

太祖任子必歷兩任。太宗時始因改元及壽寧節。真宗封禪郊禮。奏薦遂多。大中祥符詔門蔭授京官。求差使。令於國學習經二年。審官院考試引對學業。仁宗減恩蔭。英宗登極。監司州守賀卽位。押貢奉人悉命以官。熙寧考試蔭補。第爲三等。上之中書。裁損皇親。命婦奏蔭。高宗以李綱言罷宰執子弟。任待制以上者。張俊以明堂恩。任子文資。遂爲例。考宗革恩蔭之冗。後有吏部銓試簾試之法。國戚動閥。皆令察舉。

元諸蔭入品

世祖令蔭子入品。循資考一體陞選。又詔求襲父兄之職者。察而用之。舊臣勳伐戰功子弟。先任以小職。果有才能。則大用之。武宗試經史大義。不通令習學。

先試後用

試經史大義

明蔭叙五例

初充國子後歷

事授官

從科舉出身

三品始蔭

蔭子位高於父

木工二品

蕭何令試學童

一二爲郎

太學置童任廷
張堪

一用嫡長。二因世降品。三一品蔭。五品遞叙。四試經書大義。通者叙用。不通還籍。五遠方附所屬布政銓注。初充國子者。積十餘歲。而後歷事。授官宣德許。從科舉出身。天順定。非三品子孫。不得入監。成化令先試。通者入監。凡登極冊立。邊功諸恩。及死事積勞等。有蔭。蔭子位高於父者。儀智子銘。呂原子憲。陶成子魯。黃孔昭子綰。異途蔭子。金忠以下。子達。幼童檢討。制祥代父爲木工營繕。至一品。復蔭子錦衣。

附童科

漢童子郎

蕭何草律曰。太史試學童。能諷書九千字以上。乃得爲史。後漢汝南謝廉。河南趙建。章十二通經。左雄奏爲童子郎。又黃琬。臧洪。皆童子郎。任延。張堪。十二顯名。太學曰聖童。杜安。黃香。司馬朗。皆十二知名。

唐童子科

十歲頌文與官

十歲以下能通一經及孝經論語。每卷頌文十通者。予官中常停之。

宋十齋小生

蔡伯倫五歲什學仁宗

小學生及千人

朱虎臣劉毅童
年能武

女童林幼玉求
試

真宗晏殊十四爲進士。姜蓋十二進士。授秘書正字。神童蔡伯倫。五六歲侍仁宗學。更四朝。元符致仕。食祿七十五年。神宗時。小學生及千人。分十齋以處之。曹芬以上舍賜出身。高宗時。求試者三十六人。授官五人。朱虎臣能排陣步射。誦七書。補承信郎。劉毅五歲善騎射。補校尉。孝宗求試者七十四人。命官七人。光宗十七人。無補官者。呂嗣興。衢州人。四歲能變四聲。畫八卦。誦書吟詩。臨川王克勤。尤爲警敏。淳熙有女童林幼玉。求試中書。所誦經書四十三件。並通詔特封爲孺人。

明薦神童

不設童科。薦者召試。如錢塘洪鍾。四歲翰林肄業。李東陽。五歲景帝試對。程敏政八歲。英宗試。瑞雪詩。及經義。揚一

李東陽神童宰
相
揚清神童宰

術經至丞相

本草待詔

王喬神術

方術本色命官

清董玘任道遜皆奇童後登第楊廷和十
二中舉朱奎林章謝宇皆奇童為卿貳

方伎得官

西漢翟綰以戲車為郎至丞相鄧通以權船周仁以醫見
景帝為舍人吾丘壽王善格五待詔荀彘以御武帝時方
士如文成五利少翁外又有虞初東郭先生等趙定龔德
以琴伍宏以醫成帝時有本草待詔東漢善天官風角則
任文公謝夷吾樊英單颺韓說郭憲善術又有
許暢曉水脉王喬有神術李邵公沙穆善河洛
唐高祖以舞人安叱兒為侍郎李綱諫定制凡醫術陰陽
卜筮圖畫工巧匠食音聲及天文不過本色局署令鴻臚
譯語不過典客署令中宗以山人鄭普思為秘書術人葉
靜能為祭酒後唐伶人周匝薦教坊使內園栽接使為州
宋太祖詔司天臺學生及諸
司伎術工巧人不得擬外官

任子

三

能書入仕

釋道召用

明初工匠名錄
爲官

三才圖會

卷三

三

元世祖田忠良精陰陽劉秉忠薦見十八年詔舉醫卜筮天文曆數之士。

明以能書者入仕如大理丞周淵僉都凌晏如禮待金問學士沈度沈粲又樂舞生陳道瀛徐可成俱尚書吳訥醫生副都姚廣孝郭傅吳印華克勤以釋蔣守約李希安崔志端以神樂觀道士金忠以卜袁珙以相丘彥清以全真萬祺以推命陶仲文邵元節李孜省以方術徐杲以木工顧雅以巫師陸祥以石工杜安道洪尚觀以櫛工蔡春王典宗以皂隸徐興祖井泉以厨役。

任子

按古者官人以世無閥閱而尊顯者十之一二自戰國而世卿稍衰其克世者貴戚爲多耳後代任子之賢莫盛於漢由其幼備宿衛預聞朝議明者旣益其智識庸者亦習其典常勳名累葉史不乏焉六朝崇門第貴賤相襲遂有三公之子傲九棘之家黃散之孫茂令長之室官聯若此豈曰無方若後之恩廕意本酬庸而儲才之法未嘗寓焉明之胄監炤品出資亦曰富貴之而已儀銘陶魯豈能數見乎童科不常設國家用人所重不在此也

三才圖會

卷三

三

吏道

漢試吏入官

文學掌故補卒
史千定國內古衛
青皆自吏出
祿史上計簿補
郎
光祿勅上事
尚書令史補郎
史舉孝廉
范徐名士爲史

參軍法曹俱用
士流
蘭臺宋衣令史

初文學掌故補卒史郡屬。張湯請博士弟子治尚書春秋。補廷尉史。其著者路溫舒、衛青、張湯、杜周、陳萬年、于定國、龔勝、丙吉、孫實、趙廣漢、薛宣、朱勝、趙禹、王溫舒、嚴延年、尹賞、樓護、王吉、鮑宣、焦延壽、尹翁歸、漢制郡國上計椽史。條上郡內衆事。謂之計簿。多留補郎官。光祿勳有主事。主三署之事。尚書令史久欠者補郎。光武始革。其著者種暠。以縣門下吏。王詵舉孝廉。趙壹上計謁袁逢。羊陟、皇甫規俱奇之。胡廣、曹應奉郡吏。袁安世王充、徐穉皆補功曹。范滂光祿主事。丁邯以孝廉不肯爲令史。蜀董欽爲府令史。

晉都事奉朝請

江南有都令史。秩二百石。又有參軍法曹。俱用士流。蘭臺寺正書令史。衣朱執版。孔頴爲中丞。坐鞭令史。爲有司所

十令史置一主事

隋不設官

唐優叙為宦途

五臺令史所經

劉晏讀書皆用

士類

公廨令史

流外銓試判

經十考方法注

宋中書堂後官

堂更政吏人

以資代與

唐令史考經

糾都令視奉朝請後魏為流外勳品隋曰都事分隸六曹又十令史置一主事用士人

自隋以來文案煩屑令史漸卑不參官品唐有優叙有至本司主事上縣尉者遂為宦途總章限試一經謠曰左相宣威沙漠姜恪也右相馳譽丹青閻立本也三館學士放散早飢也五臺令史明經張玄素孫伏伽皆令史劉晏勾檢簿書出納錢穀必委士類吏惟書符牒又有公廨公錢以諸司令史主之歲滿授官流外為小選後唐流外銓試判兩節第優劣業文者微引古今否則據公理判斷

宋中書堂後官

初流外經十考方得引對注擬太祖勒歸農者四百人太宗詔河南法曹梁正辭主簿喬尉等五人為堂後官堂吏拔選人自此始至道中以樂崇古為節度副使以著作郎楊文質為秘書丞代掌五房公事真宗流外銓試律二道

房公事
方房檢正官

元考史曰儒學

儒吏兼通爲上

參用秀才進士

吏以功名

資格事例俱以

九年考滿

江南人不入戶

部樂韶鳳以吏考

祭酒

歲額二十人熙寧置檢正五房公事官一員每房二員並用士人鄧綰初爲之蔡京時至中奉大夫觀察使

元歲貢吏試

諸路長佐同儒學考試習行移筭術字畫謹嚴語言辯利四書內通一經者爲中式補充再試貢解必以儒吏兼通爲上又職官才堪省掾令史者亦用并參用秀才進士其著者李思讓謝文蔚樊楫謝讓郭貫夏思忠以功名顯

明出身資格

洪武十七年定吏員出身資格三十一年續定出身事例皆以九年考滿給由赴部後令邊方不得假軍功江西浙蘇松不得用戶部其著者滕懋德兵書張度吏書徐輝戶書樂韶鳳祭酒王鍾侍郎李友直刑書葉春刑侍徐晞兵書况鍾知府全節都憲王春光祿熊尚初賈信皆知府加三品俸

附貴納

漢晁錯實邊議

入粟始於兒借

景帝以早賣爵

元朔置武功爵

吏多賈人

株送徒入財補

郎

山郎納財

入錢為內侯

西郎賣官

貧者到官後輸

錢

三公納東園禮

錢

文帝以錯言令民入粟於邊以多少級數為差景帝詔令
 賞算得官無令廉吏失職貪夫長利又以早修賣爵令輸
 粟除罪武帝因之益廣入奴婢入羊為郎元朔置武功爵
 凡十一級一十七萬吏道多雜又鹽鐵家富者為吏吏多
 賈人又令世家富人犯令相引數千人曰株送徒入財補
 郎郎選益衰楊惲遷中郎將罷山郎補財免罪薦賢郎官
 化之其賞選著者張釋之司馬相如輸財得官者卜式黃
 霸楊僕東漢安帝時吏人入錢穀為關內侯靈帝開西郎
 賣官爵富者先入錢貧者到官後輸樊陵張溫並有勳名
 輪財登公位崔烈因傅切鬻司徒三公納東園禮錢中使
 督之名左驄羊續以緼袍相示不登
 公位劉陶不出修官錢帝特原其罪

晉錢入私門

晉武問劉毅方漢何帝對曰桓靈又曰賣官錢
 入私門乃不如也後魏明帝入粟賜公侯及親

唐有捉錢令史

三品以上給親

事帳內

品子課錢十歲

給官

聖空名告身

宋無賞選始於

神宗

南宋有力田科

再入粟爲流官

唐捉錢品子

捉錢令史。月納息錢四千。歲滿授官。以褚遂良言罷之。文武三品以上。給親事帳內。以六七品子爲親事。八九品子爲帳內。歲納錢千五百。曰品子。課錢滿十歲。給散官。又諸使召納錢物。給空名告身。元和詔入粟助邊。超資減選。

宋熙寧入粟

宋初止贖刑。神宗始有入粟納官之法。出將作監主簿。助教告身。付河北安撫。高宗以吳遵言。置力田科。開墾兩淮。納粟多者。補進義副尉。許應舉。

元入粟遙授

世祖授松江民曹夢炎宣慰。歲輸米萬石。桑哥爲請。元宗再入粟。實授流官。

明稅戶人才

嚴鄭以稅戶有勳名納粟入監始京泰

貴人魏科

明初工書嚴震直禮書鄭沂皆有勳名。通政樂暉以輸粟起。京泰始令生員納粟上官許入監。選例與歲貢同。自後時開時止。又有賑飢助工助餉之例。及納級乞選之名。其貴入魏科者。任亨泰許觀曹大章范應期唐文獻皆狀元。羅圮周光宙莊允中高洪謨王衡徐光啓皆解元。

吏貲

按庶人在官與下士同祿。未有入仕之階也。至秦棄儒崇吏。漢因之。有試吏入仕之途。然西漢儒生學士。嘗爲曹掾。若路溫舒。于定國之儔。非名臣表表者乎。取人之途。無所謂抑揚清濁。下亦隨所遇以爲進身之階。卽至貲納輸財。如張釋之。黃霸之賢。亦難多得之。博士弟子中也。東漢以後。流品漸分。而范徐名士。尚處功曹。至唐宋流外銓吏道。旣卑。遂爲士所不齒。明祖定資格。吏員自爲一途。滕懋德。樂韶鳳。諸人不減西漢。然其時亦科目未定。士之志功名者。因假途以試其才。非若執簿書受鞭箠。

之賤吏也。吏道用人，莫如劉晏之法。勾檢出納，必委士類，則可習爲當官之事。莫如蘇軾之議郡縣秀民，推擇爲吏，則清其始進之門。遭事不惑，則知其智。犯難不避，則知其節。臨財不私，則知其廉。應對不疑，則知其辯。又古來試吏之制也。吏必取之士，所以正其心術而不爲無恥之猾胥所倖冒也。士之中，豈無無恥之人，則又嚴其選。如保任之法，核其考。如甄別之法，吏庶可以臨民已乎。貲納一途，明天子所不爲。漢初貲富得官，而賈人仍不得仕，固非利其財也。始於武而濫於靈，唐宋之末造，皆卑卑不足述。明初稅戶，竟傳勲伐。其後捐助時開國，雍如市然。不

加賦於民而國用饒似爲一策士之掇高第者亦未嘗絕響故操觚之家不恥爲之蓋吏也貲也皆可以得人下之爭自濯磨由上之綜覈名實功名之門不必執一而流於狹也

三才彙編

卷三

天

武舉

漢六郡良家子

隴西天水安定北地上郡西河以良家子選給羽林期門。歷升爲將其著者如公孫賀李廣趙充國傅介子甘延壽馮奉世張次公常惠鄭吉灌夫蘇建等各將多出焉。

漢名將多出羽林期門

唐兵部課試

武后置武舉。有長槩馬射步射筒射馬槍翹關負重身才之法。中第亦以鄉飲酒禮送兵部。永隆中員半千對武成殿天陣地陣人陣之間。郭子儀亦以武舉建功。又有文吏求武選武夫求文選之制並行。

武后始置武舉

以鄉飲酒禮送兵部

郭子儀以武舉建功

宋武學武試

天聖八年始開武舉。凡十八人先閱騎射而後試之。景祐出神武秘畧以授邊臣并爲武舉之式。熙寧特建武學於

始建武學

高宗分三舍

孝宗依文舉

武舉始於天順

嘉靖武舉錄

應襲武藝不惜
以重武科

明武舉條格

武成王廟以知兵者爲教授具藝業考試等第與文同時
鎖院高宗分三舍武學生孝宗廷試依文舉給黃牒後有
武舉應文進士第曰欵換嘉定狀元朱同宗
謀略重於一時至理宗時嘗詔特舉將才

始於天順八年設武舉成弘間所取不過數名而已正德
十四年始定武舉條格嘉靖元年復命梓武舉錄與文試
同時蓋因應襲比武
武藝俱驟乃重武科

武舉

按良家立選。智勇召募。漢時已有其目。如李趙之威略。傅甘之奇功。皆出自羽林期門之中也。然文武判然。分爲二舉。實自唐始。有曰謀將不取於弓馬。良相不資於射策。古之名將。其發跡所自。每不出於一途。欲其操柔翰。挽弱弓。爲舉子進退以求一當於主司。而遂有分閫壯隅之略。不亦棘門灞上之戲耶。蓋科名之設已久。使蹶張馳射之流。轉而爲不跨馬。不穿札之杜預。挾策操觚之輩。實可當控高牙。制大纛之孫吳。文武並重。各收其效。亦國家用才之要也。稽之唐世。開元有重謀弘遠之科。天

寶有明習孫吳之科於時得人如郭子儀爲有唐元勳之冠
半千裴端服亦爲謀略之名臣宋復設外舍生稱武進士內舍
生稱武俊士策論定去留弓馬第高下於時得人如高志寧令
狐挺皆爲名將以平元昊智高之難明初智勇輻輳不屑借才
於科目及承平日久勲勞世胄盡屬膏粱而武科遂重與文試
同功名所著或以擒賊邀封或以固邊獲賞奇略異勇間有其
人然明制以文馭武大都備驅逐之末偏裨之班已耳文武並
重功令略同試其言必如禁中之頗牧較其藝無爲蠱下之元
振驗實用而抑虛文庶不爲僥倖之所襲焉

國學

漢元狩興太學

仲舒首爲太學之議

公孫弘勸太學

五經博士弟子

成帝弟子三千人

劉向請立辟雍

弟子歲課甲乙

補官

公玉帶明堂圖

先是仲舒對策發其議。至是丞相弘、太常臧、博士平等議立太學。爲博士官置弟子五十員。太常擇補太常弟子。郡國計偕上之。一歲輒試。能通一藝以上。補文學。掌故缺。其高第以籍奏。秀才異等以名聞。又立五經博士弟子員。設科射策。勸以官祿。至昭帝增弟子百人。元帝置千人。成帝時。劉向說上興辟雍。未果。平帝起明堂辟雍靈臺。爲學者築舍萬區。歲課甲科爲郎中。乙科爲太子舍人。丙科爲文學。掌故先是武帝封太山還。登明堂。倪寬上壽。又濟南人公玉帶上黃帝時明堂圖。又河間獻王來朝。獻雅樂。對三雍宮。三輔黃圖云。辟雍在長安西北七里。王莽立。其說未是。知孰是。

東漢十四博士

三十一

國學

三

立學始於此武

五經分十四家

幸學始於光武

桓榮登義

諸生雅吹

明帝白講諸儒

問難

大會諸儒於白

虎觀

五經通義

太學門壞遂有

靈鋼之禍

諸生告訟作私

書乃定三體石

經文

靈帝皇帝義篇

鴻都門學士君

了貽與

魏五經試

建武起太學學士雲集立十四博士太常差次總領焉易
有施孟梁丘京氏尚書有歐陽氏大小夏侯詩有齊魯韓
三家禮有大戴小戴春秋嚴氏顏氏太學堂前有石經四
部十九年幸學會諸博士論難於前桓榮經義儒者莫及
又詔諸生雅吹擊磬盡日乃罷明帝臨雍大射養三老五
更帝自講諸儒問難冠帶億萬爲四姓小侯立學置經師
期門羽林悉通章句於季經章帝大會諸儒於白虎觀考
詳同異連月乃罷帝親臨稱制如石渠故事著五經通義
順帝以翟酺言繕太學開拓房舍增補弟子員桓帝時太
學西門自壞襄楷疏言文德將衰遂有靈鋼之禍然仍課
試諸生補郎舍人靈帝時諸生爭第高下更相告訟私行
金貨定蘭臺漆書經字以合其私文乃詔正定五經文刊
石爲古文篆隸三體樹之學門初帝好學自造皇義篇五
十章招引諸生而樂松賈護多引無行之徒帝待以不次
蔡邕上封事陽球疏奏爭之而梁松江賢等爲鴻都門學
圖儀立贊有至封侯賜爵者士君子耻與焉獻帝亦常觀
太學禮魏黃初置太學五經
限武去通一經者解弟子員

晉八家儒學

張華劉實領太學
學生七千人

戴逵謝石請復太學

東晉尚莊老

普脩鄉校

武帝崇儒術。以賈馬鄭杜。伏孔王何之徒。章句傳註。衆家之學。置博士十九人。以張華劉實居太常領之。泰始中。學生至七千人。咸寧又立國子學。以教貴遊子弟。東晉元帝立學校。賀循請置博士。車胤請朝臣經學最優者領太學。成帝時。毀廢。戴邈袁瓌馮懷請立太學。而士大夫習尚莊老。終不振。孝武以中堂爲太學。置生六十人。謝石請復國學。以教胄子。頒下州郡。普脩鄉校。而品課無章。士君子耻與其列。

宋元嘉四學

互史文儒分四學

秦符融起學舍

文帝雅好藝文。使何尚之立互學。何承天立史學。謝元立文學。雷次宗立儒學。秦符堅臨學。試經義。上第擢叙者八十三人。又作教武堂於渭城。在外符融起學舍。

齊張緒祭酒

三十一卷

六三 國學

三

宋有聰明館

王儉即宅開館
為學

東雅館以招遠
學

魏今送書平城
修衆文經

四門小學

國子始不隸太
常

劉炫諫廢學

高帝立國學以緒為祭酒。學生百五十人。初宋置聰明館以集學士名東觀。至武帝省之。以王儉為祭酒。即儉宅開館。以聰明四部書充之。

梁特修孔廟

天監中特詔修孔子廟。置五經博士各一人。胄子律博士一人。又置集雅館以招遠學。養士千人。射策通明除史。魏主珪以李先言大索書籍。令所在送書平城。命集博士儒生北衆經文字。義類相從者。四萬餘字。號衆文經。遂立太學。置博士生員。孝文遷於洛。立國子太學。四門小學。周武亦幸學。以子謹為三老。

隋簡汰生徒

開皇令國子寺不隸太常。自前代皆隸也。仁壽中詔生徒多而不精。簡留七十人。餘悉罷去。太學四門州縣學俱廢。劉炫表諫不從。至煬帝復開庠序。令國子郡縣皆立學。徵召生徒。盛於開皇。未幾荒淫。沒於煬燼。

唐國子六學

國學皆公卿子

弘文學文二館生

分大中小三經

歲試帖經問義

博上三百六十學生八十

四門俊十

置罷正書院以

修書

鄭安爲廣文博

十

魚朝恩判監

永修錢光學錢

制令六學皆隸國子監。國子太學生皆公卿子。四門三品以下子及庶民俊異。律學書學筭學生各從所習。京都州縣各有學門。下省有弘文館生三十人。東宮有崇文館生二十人。皆宗戚子弟。凡禮記春秋左傳爲大經。詩周禮儀禮爲中經。易尚書公穀爲小經。有一經兼經兼論語孝經。讀國語說文字林爾雅等書。及時務策。書筭律各習本書。皆限年習學。讀千言試一帖。帖三字二千言。問大義一條。歲終口問大義十條。貞觀置博士三百六十員。屯營飛騎亦授經義。高麗百濟皆遣入學。學生八千人。開元詔庶人子惡悟有文詞史學者入四門爲俊士。置麗正書院。以徐堅賀知章修書。侍講張說爲使。以總之。又愛鄭虔才。特建廣文館。博士至代宗行釋奠禮。以魚朝恩判監事。常袞諫不從。後梁滅百官俸以修文宣王廟。後唐生徒入監者各有束脩錢。至及第又各有光學錢。猶宰相有光省錢。御史有光臺錢。一例猥鄙極矣。

廣文太學律學
爲三館

四門學生員

胡瑗管勾太學

孫覺說孟子
胡瑗講易

教法永著爲令

熙寧三舍生員

禁誹謗朝政

極持乞奪安石
配享

特揭狀元

賈似道罷三學

宋胡瑗學規

國初增修學舍立廣文太學律學三館仁宗以王洙育令
在學滿五百日方許取解又以國子監冒稱品官子孫難
別請立四門學以士庶子弟爲生員王拱辰判國子請廣
錫慶院爲太學皇祐末瑗爲國子講書專管勾數年升爲
天章閣待講其初立學規人未信服乃使已仕之徒盛僑
顧臨輩分治其事又令孫覺說孟子瑗講易衆方大服教
法最備永著爲令熙寧增太學生廣齋舍以九百人爲齋
釐爲三等初入外舍升內舍又升上舍月考其業優等上
中書其正錄學諭以上舍生爲之元豐又頒學令月私試
歲公試禁誹謗朝政元祐立廣文館解額徽宗於南門外
立外學居外舍生內舍上舍居內學立考選法靖康初楊
時乞追奪安石配享至南宋立太學生徒七百人用三舍
法比元豐尤密考優者申尚書禮部三歲科舉差官鎖院
上舍積考已優而舍試又優就化原堂釋褐號釋褐狀元
惟黃倫鄭鑑二人而已至賈似道增
太學餐錢寬科場恩例以籠三學生

許衡王恂爲師

劉秉忠請增生

徒

學生蒙古漢人各半

趙元立貢試三

法

生齋等第始於元

月試積分法

山長學正

元許衡學儀

至元立國學。教侍臣子弟。以許衡王恂爲師。設博士。置生員。分教三齋。衡立入學雜儀。及日用節目。劉秉忠請增生徒。不忽木請廣學制。葉李請闢儒戶徭役。俱從之。生員百二十人。蒙古漢人各半。武宗立試貢法。蒙古色目從寬。漢人用科舉制。仁宗增至三百餘員。用趙孟頫元明善貢試三法。一陞齋等第。下兩齋曰遊藝。依仁小學。屬對。中曰據德志道。四書詩律。上曰時習日新。五經程文。每季考所習。二私試。規矩。漢人驗上兩齋。蒙古驗中兩齋。一歲無過犯。許令應試。每月私試。詞理俱優爲上。準一分。理優詞平爲中。準半分。歲積八分以上。充習高等。三黜罰科條。一切違戾。初罰一分。再二分。三除名。泰定更爲貢舉。歲六人。文宗令同試於禮部。順帝令積分生員入會試。下第者例授山長學正。又有書學筭學科。

明北雍六堂

三十一

國學

三十一

監生出身資格

國初監生為臺

諫布按

文華武英說書

稱小秀才

吳顯坐講

監生奉使

北堂以積

分世并

成祖申學規

世宗作敬一亭

大學四途

洪武初定國子監官制。又定監生出身資格。郡邑擇秀彥。歲貢於雍。上試其成材者。卽授臺諫。籓臬等官。罷科舉。益重太學。七年。召年少聰明者。李擴等入文華武英說書。稱小秀才。卽以為御史。十五年。新建國學。定釋菜禮。祭酒吳顯升堂坐講。上親加勉諭。竟日而還。隨頒示學規。十九年。擇千餘人為州縣。又以李慶為僉都師。達為御史。夏原吉為主事。嘗遣分詣天下。查冊籍。修水利。後成祖建北雍。設廣業正義修道崇志誠心率性六堂。為肄業之所。行積分遞升法。申明學規。嘗擢監生為科道。英宗後。或為中舍。世宗復詔三途並用。而阮薇孫翥一為科道。至納粟之例。開法竟不行。世宗作敬一亭於監。立聖諭訓。諸生其諸生四途。則貢也。舉也。蔭也。例也。

國學

按國子者古教胄之典也。周備四代之學。未有國子之名。此王者隱其教。胄而廣其化於四海也。天子身自爲師。則道統尊。國胄而與民齒。讓則人倫重。明首善於京師。則國體隆。聚萬國之人才。則風教一。擇人師以垂正訓。則異學無以亂同文。嚴始進以定官方。則課業可以儲經濟。太學之設。數善備焉。亡主無不隳興。主無不崇。此孔孫所以抱祭器於陳王。而太史所以美禮儀於博士也。漢之元狩。仲舒公孫實發其議。秦之遺燼。幾百年而始振然。一以布衣列三公。一以高第困籜輔。通塞何不齊若。

是耶臨雍莫盛於東都名士莫蕃於太學倚伏之筭竟潰於甘陵固炎祚之桑榆乎標榜之過君子惜焉建安才藻略勝鴻都而西晉喪亂進黃老於塵談抑周孔於鞠草五季淫靡謬云儒術學校之相承雖在不若符秦元魏教授之詳明矣六學三館唐之制也飛騎授經重譯遣子貞觀之盛也開元之張說修書陸堅猶以爲靡廣德之朝恩判監元載樂聞其說縫掖爲羞國雍已穢其去開平之減俸繕祠天成之納錢補第也僅矣宋學之興雖自開寶至胡瑗主監而規條始正然蘇湖教法實千古所宜遵也若熙寧之三舍卽後代之積分法未嘗不善而蘇嘉

顏復以誹議逐陸佃李定以阿黨升安石蔡京借爲綱正直邪
之路至秦檜似道之奸則又反之啗以廩給而弱者安寵以科
名而強者折拜表獻頌接踵堦墀太學若此不如罷遣生徒之
爲愈矣元以蒙古色目之子盡化詩書羽籥之中元趙立法王
許爲師亦一代之盛其積分陸齋諸約明帝遵行未之或改也
紹以金陵繼以北平臨雍蒞判獨軼千古罷科目而顯擢如楊
夏之勳德首廷對而褒崇如任許之科名其主教之賢如二宋
劉李之在前敬宗時勉之在後遂至高昌日本請侍中朝非一
道同風之舊哉然自貲例開而清濁已混恩廕廣而統袴雜居

三途廢而貢士爲雜途。六堂虛而師儒爲冗職。始盛終衰。歷代固然而振興斯道。非聖主其誰歸。

郡邑學

郡邑學始於蜀文翁遣張叔等詣京授業博士武帝因令天下皆立學元帝時何武爲刺史必先視學試諸生梅福鄭崇諸葛豐張禹皆郡文學也光武中興李忠起學於丹陽行春秋鄉飲禮寇恂作於汝南任延作於武威魯丕設於趙晉虞溥設於鄆陽庾亮設於武昌梁遣生徒受業於雲門山何胤因令立學隋廢學至唐復之生徒上州六十人上縣四十人令州縣選送尚書宋太宗時江州周述言廬山白鹿洞學徒數千人乞賜九經肄習是時遂有山長之名若書院之設起自唐元和間衡州李

寬所建。宋初賜額石鼓書院。真宗時又賜名曹誠所建。應天府書院。命戚舜賓主之。又賜潭州嶽麓書院。又有西京嵩陽江寧茅山等書院。范仲淹。宋祁請詔州縣立學。有教授保任考試諸議。則是仁宗以前尚未遍立也。胡瑗有經義治事齋學規。爲古今之最。熙寧有考試學官法。天下教授凡五十三員。南宋置教授。凡四十二州。元設各路儒學提舉。還所鬻學田以養士。置高麗提舉。又令各立書院。命於朝曰教授。路府上中州置之。命於部及行省宣慰曰學正。山長學錄教諭。州縣書院各置之。明洪武二年詔天下各立學廩給諸生。八年立社學。選國子生分教。

北方而初制特崇教職。非名儒不居京省。或聘主文衡。仁宣以後。不復能繼矣。其生徒之盈縮。亦因時而增減。蘇湖遺澤。蓋蔑如焉。此郡邑之制也。

三才圖會

卷三

三

崇祀

按周四代之學以舜禹湯文爲先聖而左右乎四王者爲先師以配享焉。君師之統在上。三代立學之法也。自井牧壞學校廢君驕於上。師散於下。孔子遂爲萬世之一人。歷代崇祀而榮封復及其後。昆蓋太牢以祠。自漢高過淮南昉也。褒成君之封自元帝之於孔霸昉也。武帝封周後姬嘉爲子南君。元帝晉爲承休侯。梅福遂上書請封殷後。成帝以孔何齊爲殷紹嘉侯。自孔氏遂有二侯也。光武以殷周之後爲漢賓。孔安曰。宋公姬常曰。衛公固甚盛典。而傳世莫考。不若褒成之永世無替。幸孔宅御。

講堂聚苗裔於闕里。秦雅樂於六朝。則始自顯宗。而盛於章帝。孔僖之對。所以歎爲聖者。子孫與厥後祀有同典。封有同榮。魏晉以降。南北因之。然列聖舊制。孔子聖而顏子師。唐初則周公聖而孔子師。高宗又復紛紜。微立齡之議。幾降宣尼之座矣。至周漢諸儒之從祀。則始自貞觀二十一年也。十哲七十子之封。則自開元三十七年。李元瓘之請也。文宣王之襲爵。自建中三年。孔齊卿始也。曲阜之令。顏氏之主簿。則後周廣順。孔仁玉顏涉始也。廟門立戟。守墳置戶。宋制也。然王降而爲公矣。太子獻而易以朝官矣。眞宗東封。則幸宅復號裔孫陪祀。至仁宗釋奠。

登歌去軒架而用判架。去堂下而存堂上。識者謂合樂之未備。卽大禮之不昭。尊祀先聖。或有缺焉。至和則改褒聖侯爲衍聖公。熙寧則改王者冕服。以上公之制。是崇後而抑先也。至崇寧復加以十二旒。乃位安石於孟子之次。是可忍。孰不可忍。與南渡孔玠寄封於衢。而釋菜幸學。執爵再拜。或天子身自爲之。元太祖起乎沙漠。平燕之後。卽營孔廟。世祖中統。益增祀典。大成至聖之號。則自成宗所加也。宦者釋奠。遂兆大風之變。則仁宗也。明興太祖初平江淮。卽詣學謁聖。建學金陵。設爲特廟。詹同樂韶鳳。上釋奠樂章。牛諒上禮儀。獻以丞相學士祭酒。又遣使

祭於曲阜。襲爵。陛見。待以賓禮。至世宗。以張孚敬議。釐正祀典。去塑像。而爲木主。易王爵。而爲先師。甚盛典也。其從祀諸儒。有奪有罷。有移祀於鄉。而進以王。胡。楊。蔡。四人。復以濮議。并進。歐陽。天下以不私訾脩。而以公許通等。謂脩學足稱之也。至後薛王。陳三氏。議於朝。吳。胡。魏。羅。諸君子。亦議於下。紛紛未定。夫太廟從祀。爲治統之佐。以報功也。文廟從祀。爲道統之佐。以崇德也。二者不可偏廢。其典固因時而遞起者與。